



■TIMBALAN Perdana Menteri yang juga Timbalan Presiden UMNO Datuk Seri Dr. Mahathir Mohamad sedang menjawab beberapa per-

kara yang dikemukakan oleh para perwakilan ketika membahaskan ucapan Presiden, yang berakhir di Hotel Hilton, semalam.

KUALA LUMPUR, Ahad — Perhimpunan Agung UMNO Ke-30 yang berlangsung di sini sejak kelmarin menerima 170 usul tanpa bahaas.

Beberapa Bahagian UMNO telah mendesak Kerajaan bertindak lebih tegas lagi terhadap pendatang-pendatang haram Vietnam yang menimbulkan berbagai masalah dan bebanan kepada negara ini.

Kerajaan juga didesak mengambil tindakan tegas terhadap golongan-golongan yang menyebarkan ajaran-ajaran agama Islam yang menyeleweng dan songsang di negara ini.

Perdagangan tersebut juga menerima usul mendesak Kerajaan dan Kementerian Perdagangan dan Perindustrian bersikap tegas dalam menjalankan tugas serta dasar Kerajaan terutama berhubung masalah perdagangan.

Usul itu juga men-

desak supaya barang-barang import dan eksport diperiksa dengan rapi untuk mengelakkan kemasukan senjata haram.

Usul lain yang diterima tanpa bahaas oleh perhimpunan tersebut ialah mendesak Kerajaan bersikap tegas berhubung pentadbirannya, sistem perundangan dan penggunaan Bahasa Kebangsaan di papan-papan tanda, di gedung-gedung perusahaan serta perniagaan hendaklah dilaksanakan.

Usul mengesakan Kerajaan menyaratkan semua sarikata filem di pawagam-pawagam di Malaysia menggunakan Bahasa Malaysia sahaja juga diterima oleh perhimpunan UMNO itu.

170 usul lulus tanpa perbahaasan

Bahan asal dari Arkib Negara Malaysia

Perhimpunan itu juga menerima usul mendesak dan menyokong sepenuhnya tindakan Kerajaan mengambil semula tanah-tanah rezab Melayu yang tergadai dan terjual kepada bukan Melayu atau kepada orang-orang yang jadi wakil kepada pembeli-pembeli bukan Melayu.

Selain itu, perhimpunan juga menerima usul mendesak Kerajaan melipatgandakan kemampuan Kementerian Pertahanan dan Kementerian Halehwal Dalam Negeri memperteguhkan lagi benteng-pengawal keselamatan di perairan negara ini.

Satu usul mendesak Kementerian Kesihatan

mengarahkan pegawai-pegawai dan kakitangan hospital memberi rawatan segera kepada pesakit-pesakit serta menggunakan sopan santun juga diterima oleh perhimpunan itu tanpa bahaas.

Usul yang mendesak Kerajaan menentukan sekurang-kurangnya 30 peratus peluang-peluang perniagaan di bandar-bandar di berikan kepada Bumiputera juga diterima.

Kementerian Halehwal Dalam Negeri juga didesak mengharamkan ayat-ayat suci Al-Quran ditulis dalam kad-kad Selamat Hari Raya dan sebaran am yang tidak sesuai adalah antara usul-usul yang diterima tanpa bahaas.